

DIALUNA 25 AUGUSTUS 2025

DIARIO

UN BANDERA... UN ESCUDO... UN HIMNO... UN DIARIO

☎ 582-6747

📍 Engelandstraat 29

@ noticia@diario.aw

🌐 www.diario.aw

2,00 FLORIN

DEPORTE

**Aruba a perde
wega pa tercer
luga na World
Series di Little
League**

Your idea *of safety* happens here

Think before you click.
Stay protected from phishing.



©/™ Trademark(s) of Royal Bank of Canada. Used under license.

Rapport riba estado di DCA ta pone bao microscop futuro cultural di Aruba

* Documento ta trece den luz di dia un serie di punto pa reflexion

* Rapport ta musta riba ineficiencianan

Un anochi historico na Fort Zoutman:

Aruba a lansa su prome Mapping Cultural y Creativo



ORANJESTAD (AAN): Un anochi memorabel a tuma lugar na Fort Zoutman, ora Aruba a lansa su prome **Mapping Cultural y Creativo**. Den presencia di ministro, parlamentario, institucionnan y un gran grupo di artista y creadornan, e evento a keda marca como un paso historico pa Aruba. Organisa pa **Fundacion Go Cultura**, e lansamento a musta un movimiento den cual comunidad mes ta central, cu soporte di **Impact**

Hub Aruba y respaldo di **Aruba Tourism Authority (ATA)**. Segun co-fundador **Ed-jean Semeleer**, e mapping ta un manera pa “conecta e streanan di un constelacion” y crea un mapa cla di nos curason cultural, un herencia pa generacionnan futuro. Otro co-fundador, **Arthur Loefstok**, a enfatisa cu Aruba finalmente lo tin claridad y evidencia pa guia accion y inversion real. Na su banda, **Impact Hub Aruba** a

subraya cu no ta simplemente un investigacion, sino un movecion nacional pa duna balor na un sector cu hopi biaha a keda bao radar. **ATA** a recorda cu cultura ta e curason di turismo, y **Prome Ministro Mike Eman** a califica e mapping como un proyecto grandi pa Aruba. E anochi a finalisa cu un brindis colectivo y un sentimiento comun: pa prome bes, e sector cultural y creativo ta dibuha su propio destino.

Drama di famia a culmina na **Coba Lodo** **Habitante a mata su propio primo kende a yega su cas pa bringa cu ne**



ORANJESTAD (AAN): Marduga di Diasabra un incidente fatal a tuma lugar na **Coba Lodo**. **Rene Joell Paesch** (34 aña) a perde su bida dilanti cas di famia despues di un discusion cu su primo **Israel Paesch**. Na principio tabata pensa cu **Rene** a wordo tira, pero investigacion forensico a musta cu el a muri pa motibo di golpi fuerte na su cabes cu un obheto pisa.



Ambulance a yega lihe pero **Rene** no tabatin signo vital. **Israel**, principal sospechoso, a huy despues di e incidente pero mas laat anochi el a entrega su mes boluntariamente na polis.

Autoridad a confisca vehiculonan y a recoge prueba pa investigacion. Conflicto familiar entre e dos primonan ya tabata conoci pa su historial di problema y pleitonan anterior.

Polis ta pidi yudansa di comunidad pa aporta mas informacion na e caso lamentabel aki. Lesa e relato completo awe den **DIARIO**.